

Dein Götter sind nur Holtz vnd Stein/ Mein Christum anbet ich allein / Der alles hat erschaffen / Er ist allein der lebend Gott/ Dein Götzen sind blind/taub vnd tod/ Verfürt sind deine Pfaffen.

Zum Kohlfewer gieng er getrost/ Da wurd er auff ein eisern Kost/ Gebunden vnd gebraten. Er sprach: Keyser ein kleine zeit/ Brat ich/ du wirst in Ewigkeit/ Brennen/ vnd die dirs rathen.

Vnd sprach: Kom her Keyser/ vnd friß/ Mein halber Leib gebraten ist/ Laß mich einmal umbkieren/ Das halbe theil laß kochen dir/ Vnd kühl dein Mütze wol mit mir/ Gott wird dir kützlich wehren.

Der Keyser wurd drüber schamrot / Darnach S. Lorentz schrie zu Gott/ Vñ dancket jm von Herzen/ Das er in durch seins Geistes krafft/ Gesterckt/ vnd würdig hat gemacht/ Zu leiden solchen Schmerzen.

Christo befohl er in sein Hend/ Sein Geist/ vnd nam ein seligs end/ Beschloß also sein Leben/ Gar viel ein bessers hat ihm dort/ Der Herr Christ/ laut sein Göttlichn Wort/ Davor im Himmel geben.

Wie ein herrlichs ansehen hat/ Für Gott der Außertwehltten Todt/ Die bey Christo fest stehen/ Vnd vmb seint willen Leib vnd Gut/ Wagen/ vnd vergiessen jr Blut/ Vom Todt ins Leben sie gehen/ Amen.

## Am tage Bartholomæi/ Rom. 12.

Nach der Melodien/ Christ der du bist der helle Tag/ Sol. 107.

Pau.